



Broj: 05-04-20-2468-11/22

Datum: 13.06.2022. godine

Na osnovu čl. 70. i 72. stav (3) tačka a) Zakona o javnim nabavkama („Službeni glasnik BiH“, broj 39/14) i člana 42. Statuta Općine Maglaj („Službene novine općine Maglaj“, br. 8/07, 3/08 i 6/08), u postupku javne nabavke „Održavanje, rekonstrukcija i sanacija lokalnih cesta i gradskih ulica na području općine Maglaj“, načelnik općine Maglaj d o n o s i

ODLUKU o dodjeli ugovora četverorangiranom ponuđaču (LOT 1)

I

Ugovor o redovnom održavanju, rekonstrukciji i sanaciji lokalnih cesta i gradskih ulica na području općine Maglaj (LOT 1), dodjeljuje se trećerangiranom ponuđaču, konzorciju „KM-Gradnja“ d.o.o. Tešanj i „Čosićpromex“ d.o.o. Žabljak Usora, sa ponudenom cijenom od 98.218,50 KM bez PDV-a, odnosno 114.915,64 KM sa uračunatim PDV-om, a nakon što trećerangirani ponuđač nije, u ostavljenom roku, dostavio dokumentaciju iz čl. 45. i 47. Zakona o javnim nabavkama.

II

Ovom odlukom stavlja se van snage Odluka o dodjeli ugovora trećerangiranom ponuđaču (LOT 1), broj 05-04-20-2468-8/22 od 31.05.2022. godine, kojom se ugovor za LOT 1 dodjeljuje ponuđaču „Geo put“ d.o.o. Maglaj.

III

Ponuđač iz tačke I dužan je, u roku od pet dana od dana zaprimanja ove odluke, dostaviti dokaze koji su tenderskom dokumentacijom i Zakonom o javnim nabavkama utvrđeni kao dokazi koje je obavezan dostaviti izabrani ponuđač.

IV

Za realizaciju ove odluke zadužuje se Služba za urbanizam, geodetske i imovinsko-pravne poslove Općine Maglaj.

V

Ova odluka dostavlja se svim ponuđačima koji su učestvovali u postupku javne nabavke i ima se objaviti na web stranici Općine Maglaj.

Obrazloženje

Odlukom o pokretanju postupka, broj 05-04-20-2468/22 od 07.04.2022. godine, pokrenut je postupak javne nabavke „Održavanje, rekonstrukcija i sanacija lokalnih cesta i gradskih ulica na području općine Maglaj“, podijeljen na tri lota. Postupak je proveden putem otvorenog postupka, za koji je objavljeno Obavještenje o nabavci, broj 1140-1-3-33-3-15/22 od

08.04.2022. godine. Postupak je provela komisija za javne nabavke, imenovana Odlukom broj 05-45-1-599/21 od 14.04.2021. godine.


Nakon okončanja postupka, svi ponuđači su obaviješteni o rezultatima, te su najpovoljniji ponuđači za sva tri lota pozvani da dostave dokumentaciju iz čl. 45. i 47. Zakona o javnim nabavkama u roku od pet dana od dana prijema obavještenja o rezultatima postupka. Obzirom da izabrani ponuđač za LOT 1 u predviđenom roku nije dostavio traženu dokumentaciju, ugovorni organ je donio odluku o dodjeli ugovora drugorangiranom ponuđaču, „Hajdić“ d.o.o. Maglaj, u kojoj je utvrdio rok za dostavu dokumentacije iz čl. 45. i 47. Zakona o javnim nabavkama u trajanju od pet dana od dana prijema obavještenja o rezultatima postupka. Dana 24.05.2022. godine „Hajdić“ d.o.o. Maglaj je, dopisom broj 01-06/22 od 24.05.2022. godine, obavijestio ugovorni organ da odustaje od zaključenja predmetnog ugovora, te je ugovor dodijeljen trećerangiranom ponuđaču, „Geo-put“ d.o.o. Maglaj, odlukom navedenom u tački II dispozitiva. I trećerangirani ponuđač je bio u obavezi da u roku od pet dana od dana prijema obavještenja o rezultatima postupka dostavi dokumentacije iz čl. 45. i 47. Zakona o javnim nabavkama.

S obzirom da ni trećerangirani ponuđač nije dostavio traženu dokumentaciju u ostavljenom roku, ugovorni organ je, u skladu sa članom 72. stav (2) tačka a) Zakona o javnim nabavkama odlučio kao u dispozitivu.

POUKA O PRAVNOM LIJEKU

Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od 10 (deset) dana od dana prijema odluke.

Obrađivač:

Irma Šahman-Šehić 

DOSTAVLJENO:

1. Ponuđačima – putem maila
2. Web stranica
3. a/a



NAČELNIK OPĆINE
Mirsad Mahmutagić

